

忠贞录

李维樾

文硕阁

wenshuoge.com

目录

关于我们	3
提要	5
忠贞录原序	6
忠贞录卷一	7
忠贞录卷二	12
忠贞录卷三	21
忠贞录后序	26
忠贞录附录	27

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

臣等谨案忠贞錄三卷附錄一卷明李维樾林增志同编维樾字防昌增志字可任俱吉州安福人是编为其同里卓敬而作卷一为遗稿凡诗十九首序二首志铭一首而冠遗稿序卷二卷三为后人记载题咏诗文而附錄黄养正陈茂烈二 皆敬乡人也然养正为敬門人又死于土木之难其附錄为宜茂烈与敬别无渊源而又以弃官养母终于乡里其事截然不类附之忠贞錄中名实舛矣敬非惟死节慷慨震耀千古即燕王来朝之时密请乘其不意徙封之于南昌计亦良善其疏虽无完本然刘球所作 中尚载其畧不錄之于遗稿中亦编次之疎也敬在明初不以诗名而所作落落有气格如五言之小舟冲浪出幽鸟背人飞七言之白云忽去山在户红日乍晴人倚栏絕句晚眺云浣花溪上双楠木老杜草堂生夏寒门外青山三十六读书终日倚栏杆题山水云长松雨过秋声满日日携琴自往回安得扁舟乘晚兴载将山色过江来栽梅云风流东阁题诗客潇洒西湖处士家雪冷江深无梦到自锄明月种梅花亦皆有致惜其所 不多不能自为一集故仍从崔与之集例入之传记类焉乾隆四十六年十二月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

忠贞录原序

忠贞录者何李君维樾林君增志褒其乡先達卓忠贞公所为诗若文而辑之并褒其后之悼忠贞诗若文而并辑之而以黄陈两先生事附载焉辑公诗若文昭文献也重忠贞也辑悼公诗若文志公义也笃景行也附黄以死难则忠仿於批鳞附陈以陈情则孝媲乎冯虎谐臭味也公识虑超羣大节不夺才猷智勇集於厥躬而以翰墨求之仅百分一耳且於书无所不窥吐词为经自足垂云汉而骤风雨倘获覩其全书必有可备一代之典者而以无意为文或志存乎削稿有心忌讳或恐匿其遗言欲寻只字片纸於二百余年之后竟寥寥焉以兹集求公之翰墨又百分一耳则兹集似不足重公乎余曰不然夫文与行非裂而二也故曰诗言志言之无文行之不遠夫少卿河梁之别浅视汉恩仲宣从军之行盛称魏德此为诟厉安用文之然而墨允采薇爰歌虞夏左徒沉汨乃赋离骚阵云邊月之悲守睢阳而毕命【阙】之吊望柴市以甘心气与秋日争高词共春葩比丽文章节义之合而双美者也公诗如古风七言律雅饶风致如七言絶气清骨秀翩翩乎藐姑冰雪矣序文质朴极堪咀嚼而不为爽口之味居然先輩典型篇章虽少诸体具列然一斑寸莛而转觉盈筓充栋者之无色也昔文山公廷对防王公应麟许其忠肝方公孝孺赋紫芝甘露我皇祖见而韪之曰此异人也留以遗后词章之可覩人品如此即以兹集见忠贞之全何不可哉林君曰夫忠贞之产於地如江湖然无之而非然亦有气类焉风俗是也忠贞之揭於天如日月然无时而非然亦有际防焉机缘是也公之大节当文皇而亟称至神庙而大明而后之感懷悲愤慷慨涕洟神防於公而不得见者为之序记诗誄 贊以寫其向慕之衷盖人人一辙矣而传之者为刘公球为之祠者为朱公祀田而祀之者为王公士翹奉明诏以恤录者为周公悠皆吉州安福人也今周公鸣以郡别驾视篆吾瑞乃割俸葺其祠康公元穗来令甫下车輒首兴教化以表章公为已任既捐金以竣祠事复亟亟梓其录二公亦安福人安福为吉州节义之乡气类之感良为非偶岂非机缘之奇邁乎【阙】侯公一元序纪安福之多贤【阙】西藩长也林君属余序亦谓余曩守吉州习其气类今者复值机缘之防不可以无言余则安能望侯公然林君之命不敢负也故僭为序其端若夫忠贞事实则先后诗若文已无遗佚而黄陈两先生生平崖畧亦各具本中无烦贅及矣项维聪序

忠贞录卷一

明李维樾林增志同编

古诗

梅雨潭

横空峭壁防飞瀑声震渊霆摇地轴絪縕气湿浮太空冲崖散作珠万斛源头直与银河通半空簸落花流淙此境定知无炎热万壑千岩洒晴雪

溪山行赠友人

溪山行行失路浩歌溪山怒山高既莫陟水深岂能渡水深防蛟龙山高哮虎狼虎狼叱咤不可闻蛟龙蝘蛄奚可当山自高水自深抱琴何处求知音知音既遇心神闲为君説尽行路艰溪山路鄙小行行勿复道蛟龙虎狼才伤夷与君直上青云梯

五言律

陈叔起画

野径通禅刹溪流没钓矶小舟冲浪出幽鸟背人飞远树浮苍靄空山淡落晖竹庐吾所爱真与世相违七言律

西施菊

返魂香幻作秋丛赏识东篱靖节翁妆湿有防凝晓露酒酣无力倚西风恃妍曾得夫差宠雪耻先来范蠡功千古馆娃遗恨处清吟难与洗妖红

寶香

此室不如斗来大此心不啻天樣寬白云忽去山在户红日乍晴人倚防一声两声花鸟好千树万树松风寒诗成大笑出门去长空浩荡江水浑

赠周孟秩考满之京

计吏循良籍籍名驱车就道马蹄轻九重雨露沾衣湿万里山河映日明步入翠华防殿最班联玉笋沐恩荣防黜树伐男儿事竚见褒书下帝京

元旦送乡兄襄阳守鲍东园回朝

长乐鸣鞭曙色开履端辑瑞逵臣来【阙】 祥云合玉佩初临【阙】 寶厯新防【阙】
星蚤已见中台钧天更听升平曲湛露承【阙】 壽杯

七言絕句

晚眺

浣花溪上双楠木老杜草堂生夏寒门外青山三十六读书终日倚防干

墨竹

洞庭木落水生波月入斜 露气多虞【阙】 秋自晚满江烟雨泣湘娥

墨菊

我向 都逢羽士自言种菊不多根灌园只汲临池水歲歲开花带墨防

红梅

谁教姑射饮流霞烂醉西湖处士家防度春风吹不醒至今顏色似桃花

梅影

华光淡墨鹅溪绢不似天公巧絕奇碧水晴沙风定后空山茅屋月明时

二月梅

每日寻芳尽醉归溪陰沙岸忽横枝暗香浮动梨花月春色平分正此时

落梅

山中昨夜东风恶诗客柴门向晚开狼籍一庭春意思半飘风雨半依苔

栽梅

风流东阁题诗客潇洒西湖处士家雪冷江深无梦到自鋤明月种梅花

题扇

夜入瑶防明月吹箫惟有董双成碧桃花外人骑鹤报道天书下玉京

山水

长松雨过秋陰满日日携琴自往回安得扁舟乘晚兴载将山色过江来

春兴

杖藜徐步出门去好花无数媚岩阿摘花归去不成插坐对芳池春水多

又

雨过前山花寂寂日照岚光翠欲滴长啸一声陰雾开习习清风满岩壁

序

送周孟秩之任序

洪武己巳孟春周君孟秩世居温之瑞安溪西世家由人材举授永春县丞有政声考最钦受朝命陞知河间宁津令归乡里省墓而行邑缙绅之士平昔与君交防者皆歌诗以饯之祖筵既陈予为序乃酌酒而告之曰昔者圣门高弟子贱之治单父终日鼓琴而大治子防为武城宰以礼乐为教夫子闻而韪之周君生长衣冠

之系诗礼之 固有本【阙】学圣人之

道则是圣人之徒也观【阙】资质醇厚倜傥有为学既从措诸政事其设施必有大过人者今也制锦於斯固未足以尽其才也虽然郎官出宰百里上应列宿当思所以忠君爱民之道以对扬天子之休命也幸勿以一邑如斗而屑意焉吾闻子程子有言曰使民各得输其情正己以格物斯言足为后世法君今莅政宁津以礼乐为教不欺於心毋怠於事化成俗美使民为三代之民而乐圣朝豳熙之治则君不负所学而循吏可防讵容二贤专美於前而已乎他日言治邑廉能有声者必吾孟秩也敬忝辱令先君之德故赠言不以颂而以规并系之以诗云分符百里信非轻果尔莺迁宠渥荣邑属宁津称大地政成单父擅嘉名门前柳拂疑僊令境内花明是锦城顾我相知年已茂【阙】

交情

赵氏遗芳集

瑞安岷西赵廷晖氏集乡之缙绅先生遗其先君子德深甫诗文若干首及甫歿铭志乡人哀悼惜之词文若干首帙成请名於予予阅之歆甫之德布而高廷晖氏之为因名之曰赵氏遗芳集又重为之序云赵为宋室之后南渡去古汴而散处江南若吾温之永乐瑞平皆籍浚仪为秦王 下至今谱牒班班可考由德深甫以上皆葆光弗耀信乎奕世之 明脉经稽本草祛疾活人其所施者博而获济者广矣因是德称於人嗟叹不已而咏歌之大篇短章金玉交奏诵之使人毛骨森竦恍然见眉宇挹光霁而不知九京之限也吁今不可作矣见其集尚能使人歆慕而况当时聆其绪论沐其德泽诸君子之有作也宜矣虽然自非贤子孙寶辑而类集之则将为覆醢醢穴虫防如电光泡影之不常焉能保之以示诸后乎若廷晖氏之为可谓知所务哉后之人尚当以其心为心则遗芳之集 之愈久而愈有光焉诗曰永言孝思孝思维则窃敢诵斯语以为赵氏遗芳集序

墓志

明赠奉政大夫脩正庶尹礼部郎中继道先生叶公墓志铭

洪武歲乙卯腊月三日继道先生叶公卒乃孤思永奉先志举柩安厝于里之紫华山西谷峯下后十余年思永与余同官京师公以子贵追赠礼部郎中思永因持公行实乞余铭公墓余不克辞按状公讳葵字叔向号云泉逸民其先南阳楚县南顿乡高贵里人汉大中大夫讳望者徙丹阳句容晋苍梧太守讳俭者再徙括之松阳 讳仁防仕唐殿前都押衙避五季乱复徙温之瑞安郭公洋紫华山遂世家焉公曾大父讳钰登仕郎大父讳贯道考讳堡翁三世皆以孝行闻母汪氏生公於元大德丙午二月十六日防岐嶷警敏殊异常儿人咸谓世德之祥徵年十八而失怙越三年母汪夫人继违養二弟一妹犹在提抱中公思厥考遗训稽古力行携弟妹卜庐于前州治西岷山下教育之俾成人闭户十余年玩索羣籍穷探义理每终日危坐反身以求诚超然有得於穷理尽性之要尝曰予始知道时思周子不除 草张子听驴鸣与自家意思一般犹判物我为二及见得此理真彻上彻下与自家道理触处皆然方此是学着明辨工程三十七篇性理粹语易学精微各一卷皆研精太极陰阳鬼神性命之奥又述濂洛宗 六卷异端辨三十七条括之以理证之以圣贤之大道治平防畧二十四篇所言皆凿凿有经济诗文各自为卷有镜清纪拙随寓吟稿白石陶咏千余章序纪铭防杂著若干篇什忠义如宋文丞相鄂武穆王各序其事而系之以贊晚复作逸民 未就而公已捐宾客矣公之学以敬为主以静养为功夫反求诸身心而务为深造体驗故言有根防而文有实用非剽袭影响者伦也风度奇伟识见超卓至正初时尚承平公与昆阳赵伯起登岷山恍然曰后数年天下将有变乎吾不能与君优防如此也故不乐仕进酌古议衣冠之制曰当何如而为朝服何如而为官服何如而为斯民之服至其身之衣冠已自异常人及我明兴改制度如公所议者居多故赵君送公门人任清之叙称公有先知厥配岷山董氏有异母弟防失怙舅氏临终以孤托公且令均其赀产公惟经纪其家一毫无所取仍以妹归其孤而厚遣之毕二弟婚尤尽友爱至正庚寅山海寇表里猖獗乃携家避地南塘十余年志行益明不为忧患所移丁酉徙寓鹿城六月晦大风雨壞民居数万间公寓亦壞永嘉林鹤舟雅志好士明日歷唁诸缙绅皆有所不堪惟公掇拾遗编风雨中从容自若林退谓人曰吾见叶先生真有道者气象他人莫及也每出城市经防丘壑时人争先覩快輒以神仙目之一时名公若郡守三寶公柱御

史中丞章公三益叅军胡公仲渊咸敬慕而师事之三寶公前守瑞安与公邻居不克见及守郡既去处松山因友人求与公交一见叹服以为天地之高厚山川之融结浩荡日月星辰之照临着明方诸公之人品岂虚誉哉章中丞始镇栝即率子弟同受教寻延至龙泉匡山书院讲学俾子蕴德依归焉胡叅军迎入栝军敬事尤谨栝士大夫闻公至争就问学胡公遂梓其明辨工程广授学徒栝人任清胡公将校也气刚岸年逾四十求受学公抑而教之卒能悉去豪习一归静专后遇难为忠义士公生平未尝言饥渴仓卒起必整书辑杖屨昼必焚香读书夜必与子孙讲解一食一息有法虽造次顛沛不可乱门人郑君希诚善学而知道者谓公气象如程伯子后生宜及时亲炙人服其言国朝吴元年大兵克温城公归紫华山结庐巾山下塘邊娱情花竹泉石复居白石山逍遥山泽中世事艰危征役烦窘不以介诸意惟知抱道自乐以终余年粤乙卯得少疾揭书张子西铭於壁卧其下语乃孤以死生昼夜之說诸族人昆弟罗床下与语如平日寻起如廁整衣复卧俄然端视而逝享年七旬公少孤事大父母至孝处兄弟宗族尽恩意学无师傳而造诣独精纯其持敬之功性命之說足以叅同濂洛一时四方学者景从焉及卒从弟蕃私旌之曰继道先生呜呼名其称情矣配董氏夫人有淑德善相善教与公歷艰危播越无怨嗟公刑家之道又有徵也男一鼎字思尹改字思永以明经荐与余同登洪武第一科甲子解榜授鲁府长史歷国子司业礼部郎中秩秩有声娶塘坊唐氏继陶山张氏侧金氏孙男五操庠生拣捐拟蕲女孙一勤适陈侃曾孙男十二首尊益芳着吕妥孚隐滔统终并系之铭铭曰濂洛风微异說扰扰正路榛芜孰与於道紫华孕精笃生哲人不由师 咀嚙道真敬以持心静以养性精一之绪克绍其正抱道而隐以全而归有子荣褒西谷山辉

忠贞录卷二

明李维樾林增志同编

安福刘球【翰林侍讲赠学士】

蘓子曰匹夫而为百世师一言而为天下法是皆有以参天地之化关盛衰之运其生也有自来其逝也有所为故申吕自岳降傳說为列星古今所不可诬也孟子曰我善养吾浩然之气是气也寓於寻常之中而塞乎天地之间卒然遇之王公失其贵晋楚失其富良平失其智贲育失其勇仪秦失其辨是孰使之然哉其必有不依形而立不恃力而行不恃生而存不随死而亡者矣故在天为星辰在地为河岳幽则为鬼神而明则复为人此理之常无足怪者呜呼斯言也求之古人在汉惟诸葛公在唐惟韩文公顔陆张许之数子在宋惟文李陆张诸君子在吾朝则卓公敬其首称焉公生而资质秀敏穎悟絶人读书十行俱下一见弃去终身不再读诗辞宏婉有一唱三叹之音为文精奇警防磊落光明类其为人七歲时从羣儿嬉有见者异之曰斯儿骨髮殊异后日必为名公卿惜血不华色尔性至孝读书寶香山时年十五晨昏之礼虽遠不废防夜归值大风雨昏防不知所之得一兕牛憑之而去及归发门乃一黑虎也时以为孝感所致既而领乡荐登洪武戊辰进士除给事中时国初制度初立典则未备诸王服饰僭逾公乘间白上曰京师天下视效礼法纲纪攸先陛下自即位以来汎扫腥羶澄清六合盖欲家喻户晓之万世而无也闻诸王在禁中服饰尚有拟太子者然则何以令天下耶帝笑曰卿言是吾未虑及此也由是益器重公而或乃以太刚则折为戒公谢曰敬一介寒微荷上厚恩骤登清要官以諫为名吾知尽諫诤之道上不负吾君下不负所学而已祸福非所计也且吾闻居其位则思直其道苟直虽死不可回也为之益力陞授宗人府經歷陞户部侍郎建文皇帝登极时太宗皇帝已封燕矣公密奏乘其不意请徙封之其畧曰燕王智慮絶人雄才大畧酷似先帝顾其为人必非从在人下者且北平天下都防地方广邈士马精强金元之兴皆由於此今宜及其未备徙封南昌则羽翼既剪变无从生万一有之亦易控制不然彼志得行则谋无不遂大举而南建瓴东下当此之时势如瓦解陛下孑然一身虽有一二特立之士亦无能为矣夫将萌而未动者防也量时而可为者势也量时而为非至刚者莫能防未动而见非至静者莫能察惟陛下留意焉防入时帝坐便殿大惊手袖以入翼日召见曰卿何得出此言燕王骨肉至亲卿虽慮事深长其谋当不及此公叩首曰陛下以燕王为至亲杨广之於隋文不尤亲乎一旦讒言入耳父子之间遂行弑逆此岂人情也哉臣言是愿陛下察之且帝王之孝以保安社稷为先小节非所论也帝默然良久曰卿休矣吾方思之事遂寢太宗皇帝南下时公已被执首责以不迎乘輿之罪曰此小臣得非前日裁抑诸王者今日尔复不臣我耶公厉声抗拒辞甚不谨且曰先帝若依敬言殿下岂得至此帝怒欲杀之而怜其才美命系狱欲屈其志而复官之时使中臣讽之曰今皇上帝叔也建文皇帝侄也事属一家忠无二致公既尽心前朝何不移忠今日昔管仲不死小白魏徵再事太宗故事可师何为徒自苦耶公泣曰人臣事君有死无二足下以管仲魏徵为言此非所以望敬也夫以武王圣德而夷齐尚不朝周先帝正朔相承畧无过举一旦利欲迷心遂行篡逆吾恨不得请上方斩马剑死得见先帝於地下尔尔复欲我臣之亦何心哉帝知公义不屈然怜其至诚犹欲生之姚广孝不可以为陛下虽天下已定然兵革方殷若欲返驾燕都必杀敬始可方今楚王尚

强蜀王富盛敬虽一介书生实英雄才畧也今若生之则彼得行其志移檄诸王声 大义防东南之饶限长江之险鼓舞豪杰起兵北来陛下未可安枕也岂非养虎自遗患耶昔吴王不杀范蠡而蠡卒灭吴王衍不杀石勒而勒终害衍人事有防不可失也使先帝果如敬言陛下岂有尺寸土地耶帝意遂决已而命斩之复夷三族公临刑殊从容但叹曰国家养兵三十年一旦变生畧无措置敬死有余罪但恨不为兵官得少行其志尔神色凜然经日如生公有高世大才而未及大用太宗皇帝甚爱之虽为姚广孝所譖其心实不忍杀之尝叹曰吾国家养士三十年不负其君惟卓敬尔公博学多能美丰仪善谈论虽天文律历地理兵刑靡不各造其奥尤邃性理有遗书十卷发明周子通书邵子经世之学诗文五十卷没入之日一室萧然惟书画数轴尔呜呼公之大节与天地日月河岳相与悠久者自有史册书之固不俟球为之

独念自入庠序时往往闻先辈乡先生论公忠孝之事已欲为执鞭而不可得兹来京师得公门人黄潮光之子养正持其遗书及诗文并公像以相示球拜起歔歔还其诗文且祝之曰斯集也自有鬼神造物为之相防矧吾輩后学可不保重而爱惜之也耶谨摭公生平忠孝大节而证以见知闻知之实如此且以忠贞私谥之以伸生平所仰慕之意若夫行实之详家世之美自有潮光之年谱行状在兹不赘 曰志士仁人无求生以害仁有杀身以成仁斯言在古固可数其人矣况千百世之后者哉公当建文之时死者亦非一士论者每每以公为首称焉岂非以其见之先而守之正故耶呜呼真可与夷齐者伦也或者谓当时兵柄在公则成败有不可知者岂不然哉岂不然哉时宣德庚戌四月朔旦书

书 后

乐清朱谏【吉安府知府】

世变而节义明事从而公论定故忠义之事有晦於一时而昭於万世者天理民彝终不可泯也吾乡卓忠贞公敬由进士官至户部侍郎事太祖与建文皇帝遇事无所 避为太祖所器重言多采纳【如谏诸王服制事】建文皇帝得其奏疏虽加惊叹卒莫能用迨我太宗皇帝天兵渡江被执不屈时使中使谕之以意将复官之公抗论弗易从容就戮神色不变帝叹曰吾国家养士三十年不负其君惟卓敬耳仰惟太宗皇帝惜公之才而高公之节不忍之意发自臆中特以姚广孝所譖而决耳噫吾太宗之德媲美武王而广孝不识夷齐为义士者深有愧於太公矣夷齐饿死民到於今称之忠贞公之死又有惨於夷齐者没世之名当何如耶公没后所着诗文数十卷时失其 今无存者嘉靖癸巳秋谏游南雁荡访先生故里得刘忠愍公球所作一 於近乡父老家父老语谏云卓公死后其女没入官奴宣德间赦放回籍归於梅司巡检陶姓者其言谈颇类忠贞公见者为之流涕称曰卓氏女公死百余年而乡评士论耿耿不磨赤山周先生易以提学御史谪官判温州即松防旧祠以祀公谏拜祠下求公实事未有也偶获是 而读之使人毛髮洒淅且惊且愕真直笔也虽或有未备而其不屈之志亦可以意求而得之矣嘉靖十二年癸巳七月望日书

瓯宁赵秉忠【邑令解元防魁】

论世者於靖难时诸臣之节率方诸夷齐愚殆不谓然夫成祖以子继父建文以逊去国非若

盟津鞠旅子姬改物而当时诸君子明委质之义者甘骈首之僇激天地之临者腾伏尧之声盖人纪肇脩风教斯烈高皇帝重揭混沌而作士气之休泽也诸君子之死事唯以白吾之无所逃而罔以诋上之取非其有故微子去而箕子奴自靖自献於先王而已矣奚择首阳薇哉且夫龙蛇阳九天实为之杀运未除達者知防圣人出必神器主使懿文不蚤世必能为防伯之讓太祖不弥留必能为伯邑考之舍揖讓邁而诸臣可无纷纷也悲夫其时惟卓侍郎谋炳哲而就从容南昌一防蹈刃数语读之尤有遗憾悲夫公死而成祖褒嗟之肆今皇上益覃宥秩祀之盖两淞凡十有二人而公褒然为俎豆尊荣矣公瑞安人其祠在西岷之山其 有忠愍之笔若遗稿若祭法咸秩秩前贤有纪余承乏兹土谒公徘徊祠下不能去稍为铨次其刻集已覈其给田之逋黠者防而籍记之以授其裔孙俾洁粢盛肃景仰因輒论白靖难时事以附於卓公 后万曆丙子书

逊国臣记卓公

海盐郑晓【刑部尚书】

卓敬字惟恭瑞安人生质秀敏孝弟七歲嬉戲相工曰此儿骨髮殊异必为名卿惜血不华色耳年十五读书寶香山风雨夜归迷失道路得一兕牛憑之归比入门乃黑虎也洪武二十一年进士除户科给事中改元士寻又改为士源又复为给事中时制度未备诸王服乘多僭敬乘间为言上曰尔言是朕虑不及此因陞宗人府經歷进户部侍郎建文初燕王来朝敬密奏曰燕王智慮絕人酷类先帝且北平者强干之地金元所由兴也宜徙燕王南昌以絕祸本夫萌而未动者防也量时而为者势也势非至劲莫能防防非至明莫能察建文君覽奏大惊防手翼日语敬曰燕王骨肉至亲卿何得及此曰杨广隋文非父子耶建文君默然良久曰卿休矣事竟寢文皇帝即位责敬不奉迎乘輿厉声不逊怒欲杀敬怜其才且系狱或以管仲魏徵事讽敬不听姚广孝恶敬必欲杀敬敬临刑从容叹曰变起宗亲畧无经画敬死有余罪神色凜然经日犹如生夷三族文皇尝曰国家养士三十年唯得卓敬后四十年刘球 其事私谥曰忠贞敬立朝慷慨英伟美丰姿善谈论凡天文地理律历兵刑皆能究察文诗峭防磊落所着有诗文五十卷【载吾学编李贽续藏书畧同】

骑虎记

乌程沈遴奇

卓敬瑞安人所居地名卓岙年十五读书寶香山中夜归遇暴风雨避大树下晦防中迷失路遥见林外火光趋赴之乃一小院落也内有读书声扣其门有一童应声而出曰先生知郎君来使吾相 敬仰视其门扁题曰体 院遂入见一老翁坐长明灯下敬前揖之翁起劳苦曰深山中昏夜遇风雨得毋疑惧乎敬曰归省乃晨昏之常恐贻吾亲忧虽甚劳苦无恨但得一烛寻路即可归矣翁笑曰山中那得有烛仅有少枯叶郎君且燎湿衣徐为之计敬起解衣问童子曰翁为谁童子曰先生不欲人知其名每向人自称逍遥翁又问子何名曰少孤敬疑为隐君子也脩谨进曰敬家只在中山往来山中甚熟未闻有体 院亦未闻有逍遥翁敢以为

请翁曰吾世业为医往来中条山中后因避难闻陶隐居有丹室在此采药南来结庵少憩不
从亦还故山耳郎君无用知也顷之燎衣干敬恳乞还家翁起谓敬曰郎君既不肯留吾有一
牛可骑之而归昏夜泥淖当有所恃无惧也敬大喜即命少孤牵牛出又呼一童子名少逸曰
汝可将吾旧笼来就笼中出一僧防谓敬曰既不能款留敢以此为赠敬辞曰吾书生将期匡
济天下【阙】以此相戏翁曰吾昔亦尝有志斯世后因所辅非材不用吾谋祸防不测得此
一笼始获解脱不然岂复能生出宜秋门乎郎君第收此防他日自理防也敬坚却之翁但再
三叹息而已敬遥窥笼中诸物悉箍桶工匠所用及僧家衣钵耳两童送至门外敬乘牛致谢
而别方出林牛行甚驶势若飞禽不复能控制身亦安稳无恐湏臾及门遥从牛背呼其家人
人已寝惊起隔墙应之曰夜已向阑安得以此时冒风雨独归耶敬具以告举火将牵牛入牛
忽抖擞咆哮化一黑虎逸去室中人尽震惊而出比明寻访体 山居不可得数日后乃在县
西四十里陶 景丹室故基傍有一古庙仿佛雨夜所经行者其壁有潘阆夏日宿西禅院诗
即东坡少日所见夜凉疑有雨院静若无僧之笔也笔墨犹新循其路归见虎迹历历尚存焉
【见续耳谈郡志脩入纪异中】

王嘉荣曰尝读逊国臣编至雪庵和尚及补锅匠诸人当时皆有契於逍遥之防第卓公非不
知出此而以身殉国宁死无恨盖其天性然也忠孝如公志用世如公肯与狐伏防窜者同日
语哉說者谓宋文山之死以留梦炎卓公之死以姚广孝嗟夫假令不遇炎孝二公遂为时用
耶即不然果为顽民已耶窃意僧防之赠笼中之示必有神焉以彰公大节詎曰试之而已按
潘阆字逍遥宋初大明人为王继恩所荐太宗召见赐进士后出入卢多逊门下多逊败服僧
服持磬出宜秋门变姓名入中条山阆素行本无足观然始末大畧颇类卓公风雨昏迷途迎
接语似系阆授岂寶香山灵先知圣主将兴悯公忠孝天性以发公求生之谋乎然阆之生终
不及公之死矧公又非仅委身为烈若方黄僨国者呜呼公洵无憾於地下矣鬼神恍惚难以
臆决备录所闻以俟兰防石室采掇乌程沈遴奇沈倬垣续耳谭瑞安王嘉荣述参考

按东莞陈公建通纪壬午六月癸亥靖难先锋至朝阳门外甲子屯金川门乙丑入城至己巳
文皇即位后乃诛户部侍郎卓敬敬初密奏徙封建文莫能用至是上执敬欲杀之而怜其才
谓道衍曰向者奸臣各欲首先【阙】唯敬谏徙封内地建文若听其言则干戈息矣道衍曰
不然南昌地居下流金陵加兵特探囊取物耳使敬言诚用陛下岂有今日於是敬遂就僇

按武进薛公应旂宪章录洪武二十一年戊辰三月上御奉天殿防试举人赐任亨防等九十
九人进士及第出身有差特命立石题名於太学着为令是科得卓敬齐防

按山陰陈公汝元浙士登科考洪武二十一年戊辰科瑞安三人林挺三甲卓敬榜眼郭眞二
甲自洪武戊辰科至万曆戊戌科榜眼共十八人首卓敬陈汝元曰元查王世贞科试考是科
第二人卓敬而俞宪登科考乃以唐震为榜眼并遗卓敬姓名今从科试考改正

按浮梁陈公大綬万曆戊申冬以浙江督学使行部按东瓯属邑令清江张公如霖访公滴
裔孙命守公祠仍於卓岬题曰明卓忠贞公故里於沧洲题曰明卓忠贞公迁居故里於寶香
题曰明卓忠贞公读书处至今故老犹垂涕云

按安福周公鸣万厯庚申秋以东瓯通守署县事亟修公祠邑令康公继之祠遂竣时学博开化汪公令德董其事其移文畧曰卓公遭革命之初殉涣躬之志疾风劲草砥柱 澜猗与圣明獎尔君之不负睠兹安固崇秩祀之有严顾庭栢鞠为园蔬时移事改翳披丹阨矜藏碧触景兴懷云云汪公为给諫庆百之父给諫有匾以顔公之堂曰不负其君中标长陵玉音盖桥梓倡义云

祠记

安福王士翹【邑令南京副都御史】

尝读刘忠愍所着忠贞卓公 叹曰未雨之谋不行杀身之仁益烈公之死忠也成祖文皇帝重惜公死曰国家养士三十年不负其君唯卓敬耳则我成祖之义也微成祖不足以知公之忠防公不足以来成祖之义君笃於义臣安於忠此国家元气所以培植浑厚亿万世无疆之休忠义实纲维之公瑞人祀公於瑞宜也前令吾邑西溪朱君祀首崇节义始即西岷山以为公祠王子士翹令是邑又从而新之创田十亩及查北坛西畔隙地歲徵租以供祀事呜呼精忠大节炳焉霄汉公之死义尽仁至矣向使公而弗果捐生我成祖固将柄用之况祠於后世於一邑乎崇明祀树风教達之天下君子以为犹有俟焉入祠拜像忠义之心有不油然而兴者其为臣可知已是故祠以祀公所以教为臣也嘉靖二十四年乙巳秋七月既望立

永嘉侯一元【江西布政使】

夫委贄事君有他道乎哉其始进也曰自献其身其尽瘁也曰能致其身如此而已矣盖致身者不有其身之谓也不有其身则亦不有其家故处平则靡室弗子若禹家无遗财居无楼防若诸葛寇范遭变则存孤踐言碎首湛族若程荀要离刀锯在前甘之若饴趣之若归自世人视之以为崐絶之行而君子由之以为经常之道也呜呼悲夫忠贞卓公之祠乃今得烈然岿然於日月星辰之下山河大地之中领之祠官得明荐其溪毛侈之荐绅得显著之竹帛以风於斯世斯人乎斯固常道之所以终存也盖天有常道谓烈风迅雷甚雨非天乎不可然而光天化日其常也地有常道谓高岸深谷之相为非地乎不可然而高高下下其常也人有常道谓南巢大白履霜雉经非人乎不可然而君君臣臣父父子子其常也夫革除之际靖难之师我成祖其有武王之心乎然武王不以顺天应人而废夷齐之义汉赦季布唐獎尧君素宋贈韩通皆是物也盖收羣防羣力以济事者一时之权表义存道以立经常者万世之功乃人主自为社稷计也盖尝疑之夫忠贞诸公骈死参夷职耳而帝心旋霁德音屡发曰不负其君唯卓敬尔曰使练子宁在朕固当用之於是一网解禁弛垂二百年而世犹难言之是故忠贞私谥也祠私祠也录私录也天下之人相率以忠为讳然则堂何以明伦诸生横经何以请博士倚席又何以诲而常道其遂坠於地乎天啓神孙推心圣祖间者孝事两宫因霈然下明诏酬忠魂求其后天若增而高日若濯而明而卓公者吾瑞安人也瑞安林博士庄服行忠孝懷之久矣乃一日受诏则洒然泣跃然起走请其令长求卓氏之遗孙而录焉谓元郡人当记公事又曰始 公刘忠愍公球祠公者朱令祀为之祭田为之门役者王令士翹恤录其后当奉诏以从事者今周令悠而四人者皆安福人也江右信多贤哉谓元尝长江藩而列四贤之美亦不

偶然矣又曰祠故燬庄亟走告令令亦亟图恐后一起而新之者则杜令时登之力也於是明诏未下而官师相勗心有同然詎不信哉或曰中庸之道有蹈白刃而蹈焉者未必中也按戕公者盖姚广孝非帝意也假令姚不蠲公公可无死乎曰乌得无死夫人臣之身社稷之身也主存与存主亡与亡是有初矣乃余於公而憬然有悟於臣道之靡他也盖致身焉尽之矣曰求忠臣於孝子之门又曰平居则犯顏敢諫临难则仗节死义要皆举斯心者为之观卓公至孝通格深夜昏迷至憑虎以为兇是天地鬼神所不能违也大忠深慮批鱗於高皇帝之朝誓死於縲紲之时尝之以管魏之业惻然而不忍处也当是时也金石不足以喻其坚江湖不足以喻其决何哉诚以其身非我之有也夫人之未仕也其身父母之身也其已仕也其身则君之身也故古之君子之仕也或流涕以决其亲故其在家必孝其在国必忠遇事则不得不諫遇难则不得不死为长吏则不得不子其民为师儒则不得不淑其人夫是之谓不貳心之纯故为治为教为惠爱为廉吏为直諫为死义千葩而一根万而同源易曰系小子失丈夫故凡为吏而不闵人不褫身而自喜沾沾首防容容者皆有二心於其身其家者也嗟乎忠良一道耳使公先防之言蚤用则东平德流於汉宗王季讓光於周室而身名俱全国家两完矣谓非人臣之上愿哉方今君臣父子之间大明社稷奠安万世无一人臣当都俞吁咈之不暇而何忠贞之慕乎然则师忠贞者师其不貳心焉可也是为记隆庆六年冬十二月立

新祠记

侯一元

呜呼谓忠义人之性耶盟津之师诸侯防者八百而叩马者独夷齐何寡也谓忠义非人之性耶夷齐至孔子已六七百歲而民犹称之不置何长也余观文武一道也叩马於武者即前之归来於文者也二老一心也奋於牧野者即前之兴於海滨者也何哉民不救则妹邦之汤火终不能以返诸衽席而义不立则委裘之植又何以逆折觊觎者之心天地何以位而人纪何以张哉故君子终不以一时之功之大而废万世之义之长也始卓公之死靖难也法重禁未弛也然人之於卓公抑何勤勤乎作谱者则有黄君潮光谥之之则有刘忠愍公球而前后令尹於斯者得小影塑之於射圃亭则有高君宾自黉宫即岷山而特祠之则有朱君祀增飭而亭之碑之则有王君士翹燬而复之则有杜君时登虽公始遇难时我成祖亦未尝不再三欲生公也而公则必之死既死矣帝又从而叹之曰不负其君唯卓敬耳绵绵延延公论如火弥蕴弥赫於是万曆改元神孙御世推心圣祖辅世竭忠扶植世教明诏霑下恤录而祠祀之而前令周君悠奉以从事惟恐在后俎豆大张而前之私祠之者乃始得焕然於光天白日之下余尝欣跃之以为经道之一初也卓公既与其俦共一十二人血食防城而岷山之祠乃独以地形不善突耸倾斜日就圯废有名无实又六年为歲戊寅兵宪吴公自新既至莅访求乃下书瑞安曰卓公精忠报主大义致身千古流芳一邦增重即今圣恩被普公论大明表章垂范有司之责语絕淳恳也盖兵宪公为治诘兵明刑成民造士靡事而不责实而今令齐君柯尤惓惓志古循吏上下一心又明年庚辰则宪节复至躬謁徘徊相与定义得官之废址於邑治南偏百余步南北袤三十三步有奇东西广二十四步於是兵宪公首捐白金三十两而余则令尹齐君自任之不以烦民爰以是歲仲夏之三日始事南向为堂歲二丈一尺广三丈六尺深四丈乃龕其中而即其左右为耳房各广一丈二尺崇视堂杀二尺深与堂前为中

门镜堂三楹崇一丈七尺广四丈三尺深五丈其东西为厢房各五楹共广五丈五尺其崇一丈六尺深一丈二尺东出为祠门崇一丈四尺广深与崇门之外东距治南官街门之内西距民居约三十六步有奇周垣缭绕爽閭雄丽丹堊维新季夏之四日遂告成事盖役不逾月也费凡白金八十两【阙】不知所从出也岂不亦子来之心而责实之驗哉夫儒者多方吏道多端然大都不过二途而已盖治忽视诸义利而王霸辨诸名实故卓公义矣则不以身与宗易诸勤卓公者义矣则不以重法易斯固世之所以长治也名为祠卓公矣而风雨之飘摇神灵之不栖其又如实乎哉是故新之以妥神也於治前者以近民也卓公於家则至孝於国则大忠忠孝所以劝也诸所职军国六曹之务至殷矣而风化是先者风化重也谋之以歲者慎也成之以月者敏也其所以致力於神者如此也又况所以成民者哉故曰责实之驗而治之所以纯王也于是齐君使其博士谢君国光来谓元请文其石元不佞则以平日所槩於鄙衷者文之如此云万曆辛巳歲季冬望前五日立

重修忠贞公祀记

刘康祉【兵部主事】

卓忠贞公祠在郡城北孤屿中与文信公东西峙烈春秋时享矣而公瑞产也邑旧有公祠而以地僻左四方轮楫所不及渐芜废以圯给諫太末汪君以尊人司训瑞邑来省侍暇日纵步祠中俯仰循览墙隳栋挠苔肥草深虫书衣佩俎豆之几雀防家之君亟以告司训公公悚然不一夕宁也於是友人李林两孝廉闻之悲且喜偕以告之署邑别驾周公周公闻之兵使者钱公咸色动神悚从事若不及防邑侯康公至事益以集矣而司训公且身为之植拮据土木间虽已迁不忍离去必待其成乃已于是公之祠焕然益深閤静宏也祠在县治前数十武东临孔道门标綽楔入门广除廓然右为土地祠左为省牲之所折而北入二门左右【阙】纵若干尺横若干尺

而堂临之【阙】尺濶若干尺中为龕则木主南面妥焉二门旧为莆田阮学谕募建工未半而偕计行今因而葺之廊庑稍加丹雘余皆更新以天启元年正月廿五日记始防手於又二月之晦司训公授管於小子祉令记之夫惟公之大节不必论而独於修祠一事咨嗟叹羨恨古今之论忠臣义士者悼其志之芳遇之惨而不知天所以大奉之隆知其节烈之标映寰防而不知其功之润被社稷也夫人主之威怒能燔炙环海亦至輝赫矣当君逊国移之日廷折真主碎玉之期已临吠尧之语不辍於是天怒震加迅雷迸下齐斧削菌车轮辄螳而公之七尺埃飞九族灰飏公亦真阡然泯然矣然当时吞声痛之稍久涕泣道之愈久则尸而祝之祠而宇之敝而更新久而不衰名公巨人一倡而闾閻之羸夫婁子奋蹠疾趋还顾其身未必有环堵之容其先亦未有一椽之奉而惟公祠之新敝以欣以戚也则公之身何尝亡而宗何尝灭于是九重之威怒不得不稍逊而忠烈之人隆隆炎炎独神于宇宙矣或曰公则完矣倬矣然文皇帝敌讐也臣子谊敌王忤诸公之新之也亦文皇帝所欲闻乎噫诸公之新之也非为公也为文皇帝之天下也夫公非亲逊国而踈文皇帝也已食其禄一往不回而身与族自殉之也夫人主匕鬯万里所恃以无震惊者人人金石之心耳今表章英烈风厉鼓动令大小逵迤咸知食焉不避之谊则人主所倚毘何如则曩之据鼎耳而宴如趋沸汤而若归者所

以防九鼎於四维之安而焚炙七族以完一念者正令圣子神孙为亿兆姓之从维拘系而不可解者也夫乃知君臣父子之义灌注宇宙间惟人之所为之惟国家之所用之欲为名谊则名谊欲为事功则事功如江湖雨露以之湔浣污秽还之皓皞可以之滋漉含生达之鬯茂可以故若兵使者若郡邑诸公皆于军兴浩攘朝夕不暇之中而亟亟回虑于兹而司训之薄宦给谏之旅防两孝廉之食贫先后补葺如捍头目知国家之所系在此也则其心骨之磊落挺特俱可概见而公精英之所掇益深以长矣钱公暨诸公姓氏邑里践历及输财助力之人姓名附左方时天启元年中元日

祭文

安福朱祀【邑令】

天下之事途虽殊而归则同君子之行迹虽异而心则一故武王之伐不失为圣而夷齐之谏咸称其贤我太宗奉天靖难武王也公杀身成仁夷齐也两全其美各归于是万姓咸仰岂祀等一二人之私也哉顾公庙祀久旷乡邑奚观祀生也晚忝牧兹土爰新厥庙兼崇祀事庶纲常有赖风化攸存焉酌汨罗之水固媿笾豆之有楚采西山之薇聊供黍稷之维馨伏冀尊灵来格来歆

王士翘

于戏君臣大义并昭天地充塞两间浩然正气公炳防先侃侃直言大厦一木百世凜然决志殲身存顺歿宁从容就义庶防成仁臣无二心维天之经如公之死夷齐等伦死矣戡谷令名暴暴国有义士社稷之福命脉精神一丝千钧不有君子谁为干城先民如岳公其继作逊志诸贤与公同躅维士维令唯公是训愿言丕振此邦之运维兹安阳我公之乡者忠愍日月争光岷山之西芳草凄凄横江潮汐万古含悲明德维馨庙貌宜新崇祠有待聊荐繁苹【按嘉靖二十四年乙巳邑令王公移文月用春秋之仲日维丁后之庚举无愆期永为定例云】

南海谭用谏【邑令】

维公明君臣之义决生死之途曾子所谓临大节而不可夺之君子孟子所谓威武不能屈之丈夫孤忠大孝辉耀丹书风流余韵振厉乡闾用谏等忝吏兹土仰止范模维兹仲秋谨以牲帛礼祭例脩勤渠维神其右诸惟神其鉴诸

刘畿

呜呼自昔节义之臣恒膺褒崇之典匪独昭一时之激劝实以植万世之纲常故封雍齿而汉业悠长赠韩通而宋祚绵逵率是道也惟我卓公海岳钟英星辰列秀抗防於革除之纪致命於靖难之朝大节凜乎冰霜孤忠贯乎日月成祖叹赏之於先列圣肆赦之於后其视封雍齿赠韩通者益有光焉是以生公之乡闻公之风者若于忠愍之捍虏孙忠烈之死难率相继而

作用培我宗社亿万载之鸿图者非小补也矧兹安阳乃公故里顷值文运之衰兼以海波之振自非邀灵於先哲何以绥福於后人畿等猥以謏劣叨守封疆慨仰止之有年幸瞻拜之孔迓谨遴二分之庚式脩祀典之旧伏惟忠魂不昧英爽如存为睢阳之厉鬼殄小丑於无遗振孤竹之清风起斯文於未坠

江宁吴自新【浙东兵巡道终南刑部侍郎】

嗟乎大臣事君垂绅正笏夹辅优防此不足为难已惟夫事变将形防先独炳揆长防触忌讳言人之所不敢及夫神器有归纲常自任薄事功全忠义蹈人之所不为是诚天下之至难也非以一身参造化忠贯乎日月死重於泰山者其孰能与於斯今天子明圣闵公贞忠百余年不沾俎豆而顷也敕祀追崇仰维岳降实自瓠东而荒祠沦寂曷示褒荣余忝提兵职司观风曾登岷西景仰高风慨寸心之激烈旷百世而感通谋诸邑令易以新宫意公之精神上薄穹而遨遊桑梓亦或眷恋於其中时惟长至初报成功余适有事於兹土又获瞻拜其遗容荐以溪毛式展丹衷公其翩然骑白鹤而下太空也耶

南昌齐柯【邑令终临安府知府】

海岳之邦安固之阳一时起振古之豪杰一身系万世之纲常公之孝闻里闾假鬼神而异虎显其应感公之忠薄风霆贯日月而飞龙察其肺肠逮列圣之肆赦表孤节於宠章如方如干并祀防城而驾轶今古门生守吏崇祀故里而歲秩蒸尝繫岷山之僻隅匪忠魂之永藏值物力之殫屈欲崇構而未遑动观风【阙】责守土以恢张卜官基之宏敞意天造【阙】局以重门肃以明堂惟祈栖灵奠宅愧非绣椽【阙】兹孟秋之载吉迎鸾驭以来翔輝輝乎丽空之宿转閃焰耀晶晶乎沉海之剑益露锋铓柯等菲劣忝司封疆展瞻依於山木陈奠酬於椒浆邀濯灵之如在振斯文以寢昌俾为士为吏者知有大节而千秋万禩庶休有烈光

康元穗【邑令已未进士】

元穗叨莅海邦攷邑乘而景先喆虽名贤后先勋望掀揭然未有报国殉君脩兼智节抗万乘而甘九死有如公之 絕者也公以绮年掇鼎甲补拾禁闥惟邦之杰俄而眞主龙飞【阙】报薄海之归附方新孤臣之睠懷独切公立朝虑危防微周详委折贾太傅之哭涕晁内史之论列谋适不用底於机 乱不自己公可无执其咎而才贤夙着宸衷鑒彻茹周粟易商顽岂无王魏之后功可反顏而施設矧其忻崇臚而怱怱於旁者又纷防多通涉之舌而公慷慨悲思拊心饮血百折不回寸丹劲铁鼎饴七尺之捐糜芥视九族之湛灭洵哉逢比之非防而皦然夷齐之媲洁遂使雷霆之威始厉而终霁不负其君纶褒昭雪而天下后世为人臣子者益晓於委质无二之义谒公祠下诵公遗文不觉其低徊而永叹呜咽然则公虽长逝而维纲植纪功在人寰且浩气磅礴凜风霜而炳日月公之英灵殆阅千万禩而未始消歇者也安阳故里神栖斯悦涧芷溪毛以荐芬飴惟司牧之告防敬摛词而 烈

忠贞录卷三

明李维樾林增志同编

悼忠诗

曹睦【翰林庶吉士】

朔吹惊朝卷赤旌孤臣持节值艰贞纲常頼振千秋重生死真如一髮轻心对苍苍诚激烈身殲汶汶独清同不減壘簾雅愁听山阳笛里声

杨景衡【福建左叅政】

主圣臣忠未易论运扶义仗汉乾坤憑将国是轻生死俯却宸衷一眷存不尽防魂归帝所子遗孤女荷君恩云飞古渡闲来去天际长江自吐吞

韩伟【四川御史】

力竭扶天腕折时此生肝胆有谁知高风能起千夫懦壮气端非寸铁移北斗精光应未散南昌遗事最堪悲直将许国丹心在犹与綢緼塞两仪

项旻【建阳县知县】

纲常千古重君亲临难憑谁屈此身孝感有灵扶虎背忠言无忌逆龙鳞五宗已逐孤臣老一女还叨圣主仁壮志未酬豪气在空随明月度城闉

任道逊【太常卿】

蹇蹇忠诚耀北辰高祠万古仰明禋天生英武能平乱公为成仁敢杀身宇宙有灵垂竹帛风云无际展经纶不湏更采西山蕨溪藻年年得荐春

蔡鼎【太理寺副】

孤臣子立变俄临万古纲常定力任劲血直教当輦轂肢骸何惮润刀砧名山巨海培英爽白日青天照赤心公论不磨祠庙肃风霜凜冽栢森森

周令【通政使】

鼎湖龙驭晏高皇靖难雄师震北方四海抚心安社稷孤臣张胆任纲常事为已逐风尘化奏

对犹争日月光正使夷齐论伯仲敢将王魏问低昂

李钊【九江教授】

金陵云暗走沙尘靖难王师逼盟津共拥 黄依凤翼独持丹赤逆龙鳞矢心不作殷庭客碎首甘为洛邑民风撼西山明月夜至今犹为泪沾巾

黄思亲【抚州府同知】

长干秋色草离离剑化青山杳莫追生气百年廻板荡先防一防系安危国家养士洵无负海岳钟灵綽有奇却恐丹忠描不尽襄江如慙似公悲

程豫【莆田训 】

高风曾忆首阳山仰止如公不可攀九族顿虚精化碧孤臣垂尽泪成斑逆鳞今日犹惊胆褒语当年尚霁颜耿耿英魂随鹤去月明华表防时还

鲍铎【常熟教谕】

仗义英声振庙堂孤忠独为植纲常从龙忍敢忘钟阜叩马宁甘等首阳百鍊丹衷天共老千秋青史日争光寶香卓屿寻遗迹屈指谁人可颀颀

何格【沂州知州】

日落钟山草色苍朔风吹雨暗长杨杓沉龙【阙】云雷厄星焰旄头剑防光桑土有谋人自【阙】 经不坠死何妨至今白露洲前水汹汹东流与恨长

林桴【石城府教授】

敢 心期一瓣香岷山祠下拜清光两朝知遇恩荣重百代瞻依感慨长正气蚤收还海岳丹衷元不媿穹苍巫阳辽邈忠魂 独对西风为涕滂

朱綽【吴县训 】

仰止英标觉凜然孤忠耿耿日星悬不随王魏收功业直与夷齐照简编风静大江天已定云连高岳恨犹牵故墟荒草应无问千古衷情托杜鹃

吴纶【湖州府学训 】

天挺英豪海岳奇贞标蚤识始髫时曾憑虎背徵原异更逆龙鳞苦独持卓岙千秋留正气寶香一脉寄遐思干逢心事崇朝剖岂待西山饿伯夷

项防【邑学生】

一死报君臣节尽两朝抗防寸衷孤青编歷歷从头数忠智如公防丈夫

李师言【惠州府通判】

莫向当年问革除非关桑土计全疎周家鼎运天方属赢得纲常竹帛书

吴镇【思恩县知县】

卓峰屹立碧江臯间气钟成名世豪赴义已甘探虎口捐生何啻等鸿毛惊闻遗女还墟梓忍见穷碑没野蒿一防忠贞昭万古空江长使鬼神号

秦激【汤溪训 】

忠义知公自秉常非矜分外着毫芒胸中已信同金石天下何妨有鼎铛本学臯防崇揖让欲回汤武复虞唐遭时不偶违心事到底夷齐是颀颀

陈大训【郡庠生】

孤祠肇桑梓空山俨遗灵俯瞰海东注仰观星北倾寶香旧憑眺咫尺烟水平驯虎禔笃孝逆鳞值艰贞元防适阳九未雨忧满盈良臣不可愿叩马谁敢撓怜才荷宸眷殉节宁偷生矢死靡子遗宇宙存精英报主谊无二天王奄圣明歷歲亿万禩纲常与之并公生际革命三仁齐令名吠尧与食周此理将安评顾求寸心靖畴识太山轻倬彼卢陵 感激同纯诚吁嗟忠与孝末世徒涕婴邹鲁怅頽运顽懦振希声冠裳玷兹土能勿汗沾纓

虞书【恩贡】

靖难忠祠何处寻穷碑高卧岷山陰风云忽讶飞龙防鼎鑊难回叩马心四海有天人共戴孤臣未雨虑应深国家养士分何负赫赫明谟已赏音

薛继忠【霍山知县】

吾乡挺先哲公储间世精寶香读书处浩气浮太清憑虎感至孝移孝输忠贞培植自高庙防微宸虑婴天造值草昧雷雨已滿盈岂不炳歷数岂不懷圣明许身既有属念之当谁倾臣忠主所眷节殉死弥轻公生有殊表公死凜如生其君洵无负天语华袞荣百载緬桑梓崇朝軫

皇情褒祀渙大号俎豆邇灵英弭节下帝旁首阳希芳声人纲賴以柱争似兆庚庚

林万梅【南阳通判】

国步争如革命时惟公抗疏冒艰危采薇清节元无二劲草孤忠更有谁家逐防云飞古渡心
随寒月照荒祠卢陵遗 千秋在读罢令人涕泗垂【以上俱邑人作载旧刻】

周鸣【原任辰州推官】

符命非无定銮輿已改音谰言徒悬惻死节岂推寻惜士回光霁成仁倩孔壬臣纲存烈烈国
脉始森森北拱皇图壮东潜忠魄深山名齐堕泪庙貌迥寒心英爽长松挺精诚旭日临兽趋
犹夜返雾散若清吟俎豆由殊典扫除自所钦恍知神妥处风色动灵襟

康元穗

千秋生气奕瞳蒙沼沚褒然俎豆崇白简霜飞银界凜丹衷风烈紫尘防香山隐隐徵憑虎易
水萧萧直贯虹吾向沧洲寻剑树芳魂应作怒涛洪

张德明【广东叅政】

繫惟革除际天意何分明一以昌帝图为世开太平一以立臣极为道扶忠贞伟哉卓夫子仗
义甘捐生砥柱屹然立坐障沧溟倾纲常既标表日月 光精乃知有自来矜事良有徵当其
童卯日纯孝根天经深夜驭虎归呵防烦山灵在生为烈士在天为列星余劲鼓噫气犹足鞭
雷霆明也产公里瞻言跂芳声采采西山薇糅以沅湘蘅再拜寶香麓伫立独屏营天风洒毛
髮恍见来霓旌

林必成【郟县知县】

慷慨英风当国危殷忧曾进徙薪辞人言圣主承家日我谓孤臣致命时一木难支千古恨寸
心不负九重知至今卓岢峯前过春雨年年唤子规

刘康祉

文皇龙战定垓埏九庙钟簴俨不迁薄海金瓯归共主孤臣玉碎肯移天生前灝气驯彪虎千
载英魂绕杜鹃化鹤犹归故乡否忠贞祠庙海云邊

陈尧言【已未进士】

当年国事际亨屯不负丹心属老臣纯孝肫肫驯虎性孤忠耿耿逆龙鳞桐封若就先防防枫

陞谁防后日尘千古首阳昭白雪仰公高节独嶙峋

周应期【礼部主事】

纲常负荷此孤身忠愍先教達紫宸薪徙预谋安社稷鼎烹滨死见君臣留丹一寸心如结化碧千年血有神读罢遗编倍惆怅不堪杜宇正啼春

李光春【广信府推官】

为君为国为纲常恨不兵权借上方观变密谋防北邸审时先计徙南昌飞龙天 英君祚逐燕人悲烈士亡落落忠魂何所傍千秋星斗夜光芒

李维樾

逊国践阼初扶桑始昭哲阳德云乍亨弥纶见章臬公抽五色丝欲补山龙阙便殿陈嘉谟防先 萌枿家令空绸缪贾生何愤切帝运方属燕闰纽垂已齧御闼倏焚如禁门几蹀血率土孰非臣旅进随茅蕝固非公所能临危甘仗节回天力不任吠日声难辍兰陨芳未捐玉碎光逾洁至今襄江涛悲风为呜咽神庙涣纶音精禋表忠烈编摩录遗文耿耿悬日月邑子挹余芬焚香读苔碣溪毛荐芳鲜寒泉漱清冽

林增志

高皇尺捶扫羣孽六龙南飞御天阙手挈神器归文孙两戒河山开日月燕国黄旗高彗云南内闔宫俄自焚徙薪不救燎原势孤臣泪雨空纷纷阿谁了鸟具章服望尘雅拜迎新君新君自是高皇子人道一身可无死孤臣颈血偏逆流要溅新君御袍紫血凝为碧烟不磨千古英英照青史国家养士三十年不负其君今有士安阳遗祠苹藻香忠魂归兮归故乡我歌九歌击如意恍见骑麟来大荒

忠贞录后序

余读罗文恭诸书之纪靖难也维时神旗方指寶鼎旋新緬追金川之迎銮劝进者凡百若而人北平之望风解组者凡二百若而人乃始扼腕於壬午诸臣未尝不然而悲曰壮哉卓公非浩然正气令人有易水萧萧意耶夫扶輿之正气最称善集集於松栢则争劲於霜集於金石则争壽於岳集於人心则争垂不朽於乾坤若公者洵三十年养士之正气集於一人哉說者谓大统之既正而杀运之未除也痛六尺之奚存抚五宗之倏烬畴不以猷琛者为達变而碎玉者为拘常矣噫嘻仗神武以恢八裔者原不以沉渊埋岳之烈而贬圣仗节义以系九鼎者亦不以升陞誓牧之师而贬贤盖英主顽民总皇天生之以柱宇宙亦各行其是而已矣公之死正公之所以为公哉或又谓公之死也少师与有力焉是正不然公以天挺忠孝其生平之自矢蚤已决矣少负奇徵壮登鼎甲洞天人之机衍周邵之正盖通達似贾之一防蹇諤似文之六歌不啻以身兼之况以乡先達如许忠简陈文节輩忠义之灌注已深矣夫安知少师之戕公非以成公也者是正气之集洵浩然而独存也与哉肆今煌煌华袞表忠冶城俾公昔日之成虹化碧者一旦褻然与卞将军并雄宁不可以作怒蛙之气壮孤凤之鸣耶先是公之遗文及记类前令吴门刘公畿业已表章乃歲遠湮没今李君防昌林君可任寤寐於公旧矣因奉新令日顓康公之德意遂谋诸经欲重订以付剞劂余谓公不顾其身与家矣即文之表不表奚顾哉第正气之在扶輿人原具有追忆曩日雨花防之遊见正学公之墓道标题炳朗又未尝不为吾卓公哽咽宁忍令其遗文泯泯不可物色乎遂为之詮次且以奉常黄公孝廉陈公并附於后夫兰桂异质而齐芳韶武殊音而并美詎非吾卓公之渊源有自而正气之在吾瑞洵后先辉映如持左券哉故不自揣其不文而漫叙之用以为正气之一助云徐一经序钦定四库全书

忠贞录附录

奉常黄公传

黄养正瑞安人名蒙号志穀以字行父潮光官国子学正为卓公敬门人敬死靖难潮光为着年谱行状并収其遗像嗣后养正持之乞刘忠愍传养正自幼岐嶷聪慧善楷书七岁随父赴京永乐中引见授中书舍人朝廷碑刻宫殿坊扁多其所书性尤端谨博学工诗文宣宗皇帝甚爱之南还时执手赋诗以别正统七年任太常少卿己巳之变先事陈諫弗从乃扈驾于土木也先冲逼行营臣属无不惊怖养正独毅然衛防无所畏避至驾北狩慷慨死之衣冠归葬天顺初追赠太常卿仍录其子世袭锦衣衛百户以旌其忠【见郡邑志再考大明一統志】

送黄养正二首

厯事三朝圣曾蒙当宁知手持五色笔常在鳳凰池雪霁城南路春融柳外澌还家自足喜报国岂应迟文明门外柳频折送人归窃禄吾何补懷乡志屡违越潮天际白吳树雨中微美尔乘仙舫东南去似飞【见东里集】

孝廉陈公传

陈茂烈字时周世居瑞安嘉屿乡五十都大坑山祖以军功注籍福建兴化衛总旗时周髻年徃继父戎役遂栖郡梅峯厉志迈俗不与羣儿伍昼入公署夜归读书祖母怜其孱弱亟止之乃韬灯默诵不少辍年十八慨然叹曰善学圣人者莫如顔曾顔之克己曾之日省岂非学之法与乃作省克录登治丙辰进士奉使广东拜白沙陈公献章愿执弟子礼白沙与之语累日且告以为学须静一又退而作静思录其自叙畧曰水动则波波则濶止则澄澄则照故波虽不与濶期而濶自至澄虽不与照期而照自至动静之分也观水可以见心矣是以贵静思也孔门顔曾后若周濂溪氏者志虑高洁默契道体亦以思为圣功之本又云静则虚虚则明明则通嗣是伊洛關闽动静夹持内外交养咸恪守此道士欲希圣贤而寻向上去可不从这里做工夫耶初授吉安府推官持大体开至诚通以民彝之懿豪家利寡妇财诬许婚断从守志夫制悍妻嫁有娠妾既生子归承其业族人争之验与姊类争者愧服又吉俗健讼一词所逮多至百十人乃下令告者无得株连妨生业及讯鞠则亲召至膝前以理辨折不妄施刑民亦往往输情去时郡守严击强豪徐辅以寬当道尚深刻徐开解得寬霁信孚上下考绩归至淮乏寒具冻几死所知覆以敝裘为救召入为御史恪慎供职冠服朴素借人一牝马乘之身若无官然大臣有纵子受赇者言官交劾不违茂烈申纠其罪勒致仕崔志端者起道士为尚书再疏论之谓以羽流而任天子喉舌股肱辱国之甚莫逾于此不报乃以母老乞归终养疏曰臣生十三年父善祥不幸蚤丧母张氏无任劬劳臣又只身别无次丁孤苦成立臣前任吉安推官母年虽高尚能就禄继防圣恩行取来京母年逾老重违故乡临别叮咛言语悲切臣待罪于兹将二年矣顾以菲才无补风纪又蒙圣恩录臣前任微劳赐之勅命举家幽明咸被天宠即拟捐糜莫能报荅奈慈闈衰迈夕照如飞君恩尚可以再酌母年不可以多得况臣未有男嗣又无弟兄一母一子各天一涯千思万思无时不思疾病独自呻吟药餌谁为调节臣

既思母则报主之心乱母复思子则保身之心微臣心可悯母心尤可虞也伏望皇上怜臣母子至情放臣终养使得蚤慰倚门之望少伸寸草之忱臣虽祇奉亲颜仰瞻天日尚祈涓埃之报于将来再効犬马之劳于未死矣诏从其请归家力供甘防短床敝席不辨一蚊帐身治畦一苍头给薪水出则自执小油盏太守闵其劳遣二力助役时周白守还之母使野人添事而溢口食也妻子服食麤粝一女适彭惠安孙辅嫁具凉薄皆人甚不堪者则防然自足日坐斗室究极五经四书之防体驗身心随得随录尝云儒有向上工夫诗文特土苴耳正德中吏部以茂烈养母清苦奏改为晋江县学教谕资其禄疏辞不拜又援侍郎潘礼例请上特令有司月给米三石以资孝养又辞曰陛下隆孝理之化长清白之风下逮微臣亦荷收恤岂独臣一家之幸而已第念臣家素贫寒食本俭薄故臣母自安于臣之家而臣亦得以自遣其贫非诚有及人之廉尽己之孝也古人行佣负米皆以为亲臣之贫尚未至是而臣母鞠臣守贫居寡艰苦万状臣虽勉尽心力之义竟未酌涓滴之恩且母年已八十有六来日无多返哺至情固欲自尽资养月米心窃不安上不允茂烈以母年九十未有嗣息日夜为忧方抱疾而母卒强起号哭寢地疾转亟亦卒林少保见素为治殓具立其族子逵扬为后先是正德初归瑞安省墓择二族子以行惟逵可教留而教之至此乃立焉海内大夫士闻而伤之御史王应鹏荐云廉约如石守道而所养独纯孝行如徐仲车而所处尤困诏表宅里曰孝廉优恤其家见素曰陈公领悟既深而充养亦熟隐粹行对天地质鬼神乡国敬服殆黄宪管宁之流也【见邑志再订兴化志及郑端蓴李卓吾名臣记】

陈建曰按陈孝廉终养一疏寫出母子至情无一毫粉饰长语至今读之犹令人酸咽兴感想当草疏时未尝不肝肠摧裂泪随笔堕不能为心之甚也脩录此疏当与李密之陈情表同垂不朽云

与陈进士时周书

时周菽水之养自垂髫迄今垂三十年韩退之称孟东野无田而衣食事亲左右无违混混与世相浊独其心追古人而从之时周盖有之矣时周别去益思时周平生履歷之难大畧与老朽同而又过之求之古人如徐

节孝者真百鍊金孝子也顷【阙】老母生

日诗云有母年龄暮【阙】仪焉敢却揣分故难任锦段拈香拜僊醅洗盞斟独慙非节孝未了百年心因事惟贤寄不足于词诗中发之尽矣抑闻之子不私于亲非子也士不明于义非士也贤者外取舍之宜以事亲尽爱日之诚与深莫及之悔在我而已【见从祀真儒】